

RAJP –Ribolovna Asocijacija Jadransko-Podunavskih zemalja
FAAD –Fishing Asociation Adriatic Danubian contry



P R A V I L A
ORGANIZOVANJA I TAKMIČENJA

Bosna i Hercegovina – Istočno Sarajevo 23.05.2014.g.

I ORGANIZOVANJE

Član 1.

Na inicijativu sportsko ribolovnih saveza Bosne i Hercegovine, Hrvatske, Slovenije, Srbije, Crne Gore i Makedonije 2005. godine, osnovana je asocijacija nacionalnih ribolovnih saveza zemalja koje geografski pripadaju jadranskom i podunavskom slivu.

Naziv asocijacije je: Ribolovna asocijacija Jadransko-Podunavska

Skraćeni naziv je: RAJP

Najviši organ asocijacije je Koordinacioni odbor kojeg čine predsjednici i sekretari nacionalnih saveza.

Navedenoj asocijaciji se mogu pridružiti nacionalni ribolovni savezi: Albanije, Austrije, Bugarske, Češke, Italije, Mađarske, Moldavije, Njemačke, Poljske, Rumunije, San Marina, Slovačke, Švicarske i Ukrajine,

Organizovanje regionalne organizacije proističe iz potreba međusobne saradnje u oblasti:

1. Unapređivanja i zaštite riblijeg fonda,
2. Unapređivanja unutrašnje organizacije rada nacionalnih ribolovnih saveza,
3. Jedinstvenom nastupu u okviru konfederalne ribolovne asocijacije CIPS,
4. Organizacija ribolovnih takmičenja na regionalnom nivou, i
5. Razmjena iskustava iz svih oblasti kojima se bave nacionalni ribolovni savezi.

Član 2.

Funkcionisanje ribolovne asocijacije jadransko podunavskih zemalja (RAJP) počiva na sistemu međusobne koordinacije najviših predstavnika nacionalnih ribolovnih asocijacija, a sastaje se po potrebi a najmanje jednom godišnje.

Domaćinstvo takvih pripremih susreta održava se po sistemu rotacija (svaki puta domaćin je drugi nacionalni savez.)

Predstavnici nacionalnih saveza pokrivaju troškove svog putovanja, a nacionalni ribolovni savez zemlje domaćina pokriva troškove boravka.

Član 3.

Dvogodišnju koordinaciju članica asocijacije preuzima nacionalni ribolovni savez na sastanku najviših rukovodilaca saveza koji se održava posljednje sedmice mjeseca novembra, kad se utvrđuje kalendar takmičenja i planiraju druge aktivnosti u narednoj godini.

U vrijeme kad je zadužen za koordinaciju, nacionalni ribolovni savez u obavezi je da realizacije dogovoreni programa aktivnosti, sazivanje i pripremanje sastanaka najviših zvaničnika nacionalnih saveza i obavljanje drugih administrativno-tehničkih poslova.

Član 4.

Zavisno od dostignutog stepena organizacije regionalna sportsko ribolovna asocijacija će u zainteresiranim oblastima utvrđivati programe i pravila, te način i termine njihove realizacije.

II SPORTSKO RIBOLOVNA TAKMIČENJA

Član 5.

Sportsko-ribolovna takmičenja su svakako najznačajniji razlog regionalnog organizovanja sa više aspekata i to:

- organizacije regionalnih takmičenja u dogovorenim disciplinama i kategorijama;
- podrški u kandidiranju za velika međunarodna takmičenja u federacijama CIPS-a;
- pomoći u organizaciji i realizaciji preuzetih međunarodnih takmičenja; i
- zajednička kandidatura za velika međunarodna takmičenja.

Sva sportsko-ribolovna takmičenja na regionalnom nivou odvijaju se po pravilima F.I.P.S.e.d. (federacije za ribolov na slatkim vodama), F.I.P.S.- Mouche (federacije za ribolov MUHOM), i I.C.S.F. (casting federacije) odnosno pravila koja važe za određene discipline i kategorije.

Konkretni uslovi regulišu se dodatnim propozicijama za svaku konkretnu disciplinu i kategoriju.

III PRAVO NASTUPA

Član 6.

Takmičenje u okviru Ribolovne Asocijacije Jadransko-Podunavskih zemalja (RAJP) je klubsko takmičenje i odvija se pod nazivom: Kup Jadransko-Podunavskih zemalja (KJPZ) sa naznakom discipline.

U svakoj od disciplina pravo nastupa na takmičenju imaju po tri /3/ ekipe iz svakog nacionalnog saveza (mogu biti i dvije ekipe iz istog ribolovnog kluba). Odobrenje za nastup na ovome natjecanju daje nacionalni savez iz kojega su te ekipe.

Ekipe i pojedinci nastupaju pod imenom kluba, dok je zemlja kluba spomenuta isključivo kao napomena. Vrednuju se ekipni i pojedinačni rezultati.

Neumanjući prava iz stavka 4, pravo nastupa u pojedinoj disciplini ima ekipa domaćina i ekipa koja brani naslov pobjednika iz predhodne godine.

Član 7.

Ekipe sačinjava trener ekipe, kapetan ekipe i natjecatelji, i to:

- | | |
|------------------------------|----------------|
| - u lovu ribe na plovak | 3 + 1 rezerva, |
| - u lovu šarana, | 2 + 1 rezerva, |
| - u lovu ribe umjetnom muhom | 3 + 1 rezerva, |
| - u castingu | 3 + 1 rezerva, |
| - u feederu | 3 + 1 rezerva |

Član 8.

Takmičenja se odvijaju prema programu:

a/ U lovu ribe na plovak

- petak, zvaničan trening,
- subota, prvi krug,
- nedjelja, drugi krug i zatvaranje takmičenja,

b/ U lovu šarana

- petak - takmičenje počinje u 10 h i traje do nedjelje do 12 h kada se završava;
- nedjelja - zatvaranje takmičenja.

c/ U lovu ribe umjetnom muhom

- petak – zvanični trening,
- subota – do podne prvi sektor, po podne drugi sektor,
- nedjelja- treći sektor i zatvaranje takmičenja.

IV OBAVEZA UČESNIKA TAKMIČENJA

Član 9

Obaveza učesnika takmičenja iz svake zemlje je da na raspisani poziv za takmičenje izvrši prijavu za takmičenje na adresu (e-mail ili dopis) i uplati kotizaciju prije početka takmičenja na žiro račun koji odredi zemlja domaćin prema rokovima iz raspisa za takmičenje.

Navedeno je potrebno kako bi domaćin takmičenja mogao napraviti sve pripreme i objaviti satnicu takmičenja

Kotizacija za nastup, po ekipi iznosi:

- | | |
|--|-------------|
| - lov ribe udicom na plovak | 250 € |
| - lov šarana | 250 € |
| - lov umjetnom muhom | 250 € |
| - casting | 250 € |
| - feeder | 150 € |
| - lov ribe udicom na plovak
U-14, U-18 i žene | 150 € |

U kotizaciji nije uračunat smještaj i ishrana ekipa za vrijeme takmičenja i iste za sebe plaća svaka ekipa. Pratioci nisu obuhvaćeni kotizacijom i snose svoje troškove smještajai i svečane večere.

V OBAVEZE DOMAĆINA TAKMIČENJA

Članak 10.

Uz pomoć naplaćene kotizacije domaćin organizira i pokriva troškove organizacije i provođenja takmičenja, te popratnih aktivnosti kako slijedi:

- pravovremeno obavještava učesnike takmičenja o pripremi, organizaciji i zatvaranju takmičenja putem raspisa za takmičenje. Raspis se radi obavezno na jeziku domaćina i na engleskom jeziku;
- organizira svečano otvaranje takmičenja (podesnu lokaciju, postavljanje zastava i program svečanog otvaranja, te priprema koktel za učesnike;
- osigurava takmičarsku stazu i priprema je za trening i takmičenja, te provodi takmičenja po međunarodnim pravilima za tu disciplinu;
- osigurava potreban broj sudaca (u lovu ribe samo glavni i sektorski suci);
- osigurava kompjutersku obradu podataka i izdavanje završnih rezultata za sudionike takmičenja;
- obezbjeđuje mjesto zatvaranja takmičenja, svečani ručak za takmičare, nabavlja i dodjeljuje medalje i pehare za postignute rezultate.
- osigura prisustvo sredstava informiranja; radija, TV i WEB portala radi promocije takmičenja.

VI OPĆE ODREDBE

Član 11.

Žiri takmičenja obrazuje se od predstavnika nacionalnih saveza, dobrih poznavalaca pravila takmičenja.

Član 12

Obaveza domaćina takmičenja je da na svojoj internetskoj stranici tri mjeseca (3) prije takmičenja objavi satnicu takmičenja i da podatke o takmičarskoj stazi, podatke o kontakt osobama, njihovim telefonima i e-mail adresama, podatke o smještaju, ishrani, načinu dolaska na takmičarsku stazu, eventualno skicu staze kako bio se učesnici takmičenja pravovremeno upoznali sa svim uvjetima takmičenja.

Obaveza domaćina takmičenja SRS i SRD je da na proglašavanja rezultata uruči savezima zemalja učesnica, zvanične izvještaje sa takmičenja (bilten) na svečanom ručku.

Član 13.

Domaćini nemaju pravo povećavati dogovoreni iznos kotizacije bez saglasnosti Koordinacionog odbora asocijacije.

Član 14.

Domaćini su u obavezi slanja zvaničnih poziva za takmičenje najmanje 90 dana prije održavanja.

Član 15.

Termini održavanja takmičenja se utvrđuju godišnjim kalendarom takmičenja koji će biti uručen nacionalnim savezima do kraja marta tekuće godine.

Član 16.

Prava iz ovog protokola počinju teći od takmičarske 2011. godine.

Član 17.

Službeni jezik komuniciranja na takmičenjima je engleski i jezici zemalja učesnika.

Istočno Sarajevo, BiH

23.05.2014. godine.

Koordinator:

Đorđe Klepić

